

Sancti Gregorii Papæ Primi Cognomento Magni Opera

In Tres Tomos Distributa. Ex quamplurimis MSS. Codicibus emendata ;
Additæ Sunt Quædam Notæ in Dialogos & Epistolas ejusdem S. Gregorii

Gregor <I., Papst>

Lutetia Parisiorum, 1675

Homilia IX. Et audivi vocem loquentis, & dixit ad me: Fili hominis sta super
pedes tuos, & loquar tecum. Et ingressus est in me spiritus, postquam
locutus est mihi, & statuit me super pedes meos. Et ...

[urn:nbn:de:hbz:466:1-74915](#)

similitudinem vidit, quid est quod iste similitudinem gloriae, & ille ejus gloriam vidisse describitur? Sed cum Joannes Evangelista prius miracula Redemptoris nostri narravit, atque infidelitatem Iudeorum postmodum subdidit, hanc ejusdem Redemptoris nostri gloriam, que in mundo apparuit, Isaiam vidisse manifestat. Omne enim quod in terra mirum divinitus agitur, gloria omnipotens Dei est, & ejus gloria in omnibus factis videtur. Ieremia ergo ejus gloriam in terra vidit: Ezechiel vero gloriam in celo, sicuti est, videre non potuit: quia alter est gloria ejus in rebus factis, atque aliter in se metipso. Hoc ergo ejus gloria quae in rebus est, videri potest: illa vero quae in ipso est, videri modis per similitudinem non potest. Sed hanc eamdem similitudinem gloria quia Propheta vel sublevatus portare non potuerit, cognoscamus. Sequitur: [Et vidi, & cecidi in faciem meam.] Quid ergo de hoc viro fieret, si ita ut est, ejus gloriam vides, qui similitudinem gloriae illius videns, sed ferre non valens, cecidit? Quia in re eum magno meroe pensare, & considerare cum lacrymis debemus, in quantum miseriam & infirmitatem cedimus, qui & ipsum bonum ferre non possumus, ad quod videndum creati sumus. Est tamen & aliud quod de Prophetæ facto consideremus in nobis. Propheta enim mox ut gloria Domini similitudinem vidit, in faciem suam cecidit. Cuius similitudinem gloria quia nos per spiritum prophetarum videre non possumus, hanc assidue cognoscere, & sollicitè contemplari in sacro eloquio, in celestibus monitis, in præceptis spiritualibus debemus. Qui cum aliquid de Deo conspicimus, in faciem nostram cadimus, quia ex malis erubescimus, quae nos meminimus perpetrasse. Ibi enim cadit homo, ubi confunditur. Unde & Paulus quasi quibusdam in facie jacentibus dicebat: *Quem ergo fructum habuissis tunc in illis, in quibus nunc erubescitis?* Ecce celestis gratiae dono largiente, obvolutum mysterii libri initium in Ezechiel propheta discussimus, & dicta mystica moraliter differentes, volantem prophetarum historiam ad terram traximus: ut qua prior pars volorum animis mihi simili volabat, sed non elevabat, jam nunc ab eis legatur & cognoscatur, & volet & levet. Agamus ergo gratias Redemptori nostro, qui spirituali semper alimentum nos reficit, qui panis vivus descendit de celo, & dat vitam mundo. Qui vivit & regnat cum Patre in unitate Spiritus sancti Deus, per omnia saecula saeculorum, Amen.

Rom. 6. d

Ivan. 6. e

HOMILIA IX.

Ezech. II. Et audiri vocem loquentis, & dixit ad me: *Fili hominis sta super pedes tuos, & loquar tecum.* Et ingressus est in me spiritus, postquam locutus est mihi, & statuit me super pedes meos. Et audiri loquenter ad me, & dicentem: *Fili hominis, mitto ego te ad filios Israel, ad gentes apostatarices, qua recesserunt a me.* Patres eorum prævaricati sunt pactum meum usque ad diem hanc: & filii dura facie & indomabili corde sunt, ad quos ego mittite. Et dices ad eos: *Hec dicit Dominus Deus: si fortes vel ipsi audiant, & si fortes quiescant: quia domus exasperans est.* Et scient quia propheta fuerit in medio eorum. Tu ergo fili hominis ne timeas eos, neque sermones eorum metuas: quoniam increduli, & subversores sunt tecum, & cum scorpionibus habitat. Verba eorum ne-

timeas, & vultus eorum ne formides: quia domus exasperans est. Loqueris ergo verba mea ad eos, si fortes audiant, & quiescant: quoniam irritatores sunt. Tu autem fili hominis audi quacumque loquer ad te, & noli esse exasperans, sicut domus exasperatrix est. Aperi os tuum, & comede quacumque ego do tibi. Et vidi, & ecce manus missa ad me, in qua erat involutus liber: & expandit illum coram me, qui erat scriptus intus & foris: & scriptæ erant in eo lamentationes, & carmen, & va.

INIRIUM LIBRI IN EZECHIEL PROPHETA MAGNIS OBSCURITATIBUS CLAUSUM, & QUIBUDAM MYSTERIORUM NODIS LIGATUM, IN HOMILIIS OCTO, DOMINO NOSTRO JESU CHRISTO LARGIENTE, DISCUSSIMUS. JAM NUNC PLANIORA SUNT, & MINUS DIFFICILIA QUE SEQUUNTUR. CHARITATI ITAQUE VESTRA COLLOQUIUM, CIDEM OMNIPOTENTI DEO REFERENTES, QUA POST TOT OPACA SILVARUM, TANDEM LATI AD CAMPOS EXIVIMUS, IN QIBUS LIBERIS GRESIBUS LOCUTIONIS NOSTRAE INTREPIDUM PEDEM PONAMUS. ECCE ENIM POSTQUAM PROPHETA SIMILITUDINEM GLORIAE DOMINI CONTEMPLATUS, IN FACIEM SUAM CECIDIT, ADJUNGIT: [ET AUDIRI VOCEM LOQUENTIS, & DIXIT AD ME: FILI HOMINIS STA SUPER PEDES TUOS, & LOQUAR TECUM.] UBI ADHUC SUBDITUR: [ET INGRESSUS EST IN ME SPIRITUS, POSTQUAM LOCUTUS EST MIBI, & STATUIT ME SUPER PEDES MEOS.] ECCE DIVINA VOX JACENTI PROPHETA JUSTIT UT RESURGERET. SED SURGERE OMNINO NON POSSET, NIIS IN HUNC OMNIPOTENTIS DEI SPIRITUS INTRASSET: QUA EX OMNIPOTENTIS DEI GRATIA AD BONA OPERA CONARI QUIDEM POSSUMUS, SED HAC IMPLERE NON POSSUMUS, SI IPSE NON ADJUVAT QUI JUBET. SIC PAULUS CUM DISCIPULOS ADMONERET, DICENS: CUM MENO & TREMORE VESTRUM IPSORUM SALUTEM OPERAMINI: ILLICO QUIS IN EIS HEC IPSA BONA OPERARET ADJUNxit, DICENS: DEUS ^{Philip. 2. b} ^{1 Cor. 15. 4} EST ENIM QUI OPERATUR IN VOBIS, & VELLE & PERFICERE PRO BONA VOLUNTATE. HINC EST QUOD IPSA VERITAS DISCIPULIS DICIT: SINE ME NIL POTESTIS FACERE. SED IN HIS ^{Ioan. 15. 4} CONSIDERANDUM, QUA BONA NOSTRA SI OMNIPOTENTIS DEI DONA SUNT, UT IN EIS ALIQUID NOSTRUM NON SIT, CUR NOS QUASI PRO MERITIS XERETAM RETRIBUTIONEM QUÆRIMUS? SI AUTEM ITA NOSTRA SUNT, UT DONA DEI OMNIPOTENTIS NON SINT, CUR EX EIS OMNIPOTENTI DEO GRATIAS AGIMUS? SED SCIIDUNDUM EST, QUA MALA NOSTRA SOLUMMODO NOSTRA SUNT; BONA AUTEM NOSTRA, & OMNIPOTENTIS DEI SUNT, & NOSTRA: QUA IPSE ASPIRANDO NOS PREVENTUR UT VELIMUS, QUI ADJUVANDO SUBSEQUITUR, NE INANITER VELIMUS, SED POSSIMUS IMPLERE QUA VOLUMUS. PRÆVENIENTE ERGO GRATIA, & BONA VOLUNTATE SUBSEQUENTE, HOC QUOD OMNIPOTENTIS DEI DONUM EST, FIT MERITUM NOSTRUM. QUOD BENE PAULUS BREVI SENTENTIA EXPLICAT, DICENS: PLUS ILLIS ^{1 Cor. 15. 4} OMNIBUS LABORAVI. QUI NE SUA VIDERETUR VIRTUTI TRIBUuisse QUOD FECERAT, ADJUNxit: NON AUTEM EGO, SED GRATIA DEI MECUM. QUAIA ENIM CÆLESTI DONO PRÆVENTUS EST, QUASI ALIENUM SE A BONO SUO OPERE AGNOVIT, DICENS: NON AUTEM EGO. SED QUAIA PRÆVENIENS GRATIA LIBERUM IN EO ARBITRIUM FECERAT IN BONUM, QUO LIBERO ARBITRIO CÆDEM GRATIAM EST SUBSECUTUS IN OPERE, ADJUNxit: SED GRATIA DEI MECUM. AC SI DICERET: IN BONO OPERE LABORAVI, NON EGO, SED & EGO. IN HOC ENIM QUOD SOLO DOMINI DONO PRÆVENTUS SUM, NON EGO: IN EO AUTEM QUOD DONUM VOLUNTATE SUBSECUTUS, & EGO. HIS Igitur breviter contra Pelagium & Cælestium dictis, ad exponendi ordinem redēmus. [FILI HOMINIS STA SUPER PEDES TUOS, & LOQUAR TECUM.] NOTANDUS NOBIS EST ORDO LOCUTIONIS & OPERIS, QUA PRIUS SIMILITUDO GLORIAE DOMINI APPARET UT DEJICIAS, POSTMODUM ALLOQUITUR UT CLEVER, DEINDE SUPERABUNDANTIS GRATIA SPIRITUM MITTIT & LEVAT, AC

ac supra pedes statuit. Nisi enim aliquid de æternitate in mente videremus, nunquam in faciem nostram pœnitendo caderemus. Sed jam jacentes vox Domini consolatur ut in opere surgamus, quod tamen nos facere nostra virtute non possumus. Ipsius ergo nos spiritus implet & levat, & super pedes nostros statuit: ut qui proni in pœnitentia pro culpa jacuimus, recti postmodum in bono opere stemos. Sed stans Propheta quid audierit, adjungit, dicens: [Et audiui loquenter ad me, & dicentem: Fili hominis, mitto ego te ad filios Israël, ad gentes apostolices, que recesserunt à me.] Sic Propheta describit sua, ut significet nostra. Nam quid est hoc, quid ei jacenti dicitur: [Sta super pedes tuos, & loquar tecum?] Qui enim jacenti loquebatur, cur non se nisi stanti promittit esse locuturum? Sed sciendum, quia alia sunt quæ jacentes, alia quæ stantes audire debemus. Jacenti enim dicitur ut surgat: stanti autem præcipitur ut ad prædicationem profici debat. Adhuc enim in infirmitatem confusione jacentibus præberi non debet auctoritas prædicationis. Sed cum jam in bono opere surgimus, cum jam recti stare ceperimus, dignum est ut ad lucrandoz alios in prædicationem mitti debeamus. Stans ergo Propheta visionem spiritalem vidit, & cecidit: cadens verò, admonitionis verbum suscepit, ut surgeret: surgens autem præceptum audivit, ut prædicaret. Nam qui adhuc ex superbie vertice stamus, cum jam de æternitatis timore aliquid sentire ceperimus, dignum est ut ad pœnitentiam cadamus. Et cum infirmitatem nostram subtiliter cognoscentes, humiliter jacemus, per divini verbi consolationem surgere ad fortia opera jubemus. Et cum jam in bonorum operum soliditate perficimus, necesse est ut unde nosmetipsoz corremus, inde jam prædicantes & alios levenus. Jacenti ergo non præcipitur ut ad prædicationem perget, ne infirmus quisque hoc quod verbo ædificare potest, opere destruat. Unde rectè quoque per Psalmistam dicitur: *Eduxit me de lacu miseria, & de luto faci: statuit supra petram pedes meos, & direxit gressus meos, & inanis in os meum canticum novum, hymnum Deo nostro.* Prius enim de luto pravitatis educitur, ut ejus pedes per fidem in petra solidentur. Sed quia rectam fidem, recta subsequi debet operatio; gressus ejus directi sunt, ut post directionem gressuum, id est, post perfectionem boni operis, in ore acciperet etiam novum canticum prædicationis. Sic Saulus, dum superbus Damascum pergeret, Redemptoris voce prostratus jacuit. Et qui prædicator futurus erat, non tamen mox ut prædicaret quod viderat, audivit, sed ei jacenti dicitur: *Ingradere in civitatem, & dicere tibi quid te oporteat facere.* Jacens ergo hoc solum audire potuit, ut surgens disceret quod audierat: surgens verò hoc didicit, ut quæ cognoverat, prædicaret. Sed quærendum nobis est, cur Ezechiel & Paulus in faciem cadunt, & de ascensore equi, id est, de eo qui in hujus mundi gloria elatus est, dicitur: *Vt cadat ascensor ejus retro?* Rarissimumque de persecutoribus Domini scriptum est: *Abierunt retrorsum, & ceciderant in terram.* Quid est hoc, quid electi in faciem, & reprobi retrorsus cadunt, nisi quid omnis qui post se cadit, ibi præculdubio cadit, ubi non videt: qui verò ante se ceciderit, ibi cadit, ubi videt? Iniqui ergo quia in invisibilibus cadunt, post se cadere dicuntur: quia ibi corrunt, ubi quid eos tunc sequatur, modo videre non possunt. Iusti verò, quia in istis visibilibus semetipsoz sponte dejiciunt, ut in invisibilibus erigantur, quasi in faciem cadunt, quia timore compuneti, videntes humiliantur. Notandum verò quid dicitur: [Mitto ego te ad filios Israël, ad gentes apostolices, que recesserunt à me.] Sicut enim duobus modis à Deo receditur, ita duobus modis à Deo apostatae homines sunt. Nam unusquisque à con-

Dif. 50.
Quid est
hoc.

psal. 39. a

Att. 9. a
Pst. in
Gen. c. 78.

Gen. 49. c

Iean. 18.

A ditore suo aut fide recedit, aut opere. Sicut ergo qui à fide recedit, apostata est; ita qui ad perversum opus, quod defuerat, recedit, ab omnipotente Deo apostata absque ulla dubitate deputabitur, etiam si fieri dem tenere videatur. Unum enim sine altero nil ^{dem. infra} prodebet valer, quia nec fides sine operibus, nec ^{hom. 19.} opera adjuvant sine fide, nisi fortassis pro fide percipienda sint: sicut Cornelius ante pro bonis operibus meruit audiri, quād fidelis existaret. ^{Ad. 10.} Quia ex re colligitur, quia bona opera pro fide percipienda ciebat. Nam cui ab Angelo dicitur: *Orationes tuae 11id. & elemosyna tua ascenderunt in memoriam in conspectu Dei;* & mox pro eadem ascensione præcipitur ut ad Simonem mittat, qui ei veniens prædicare debeat; constat quia hoc petit, unde meruit exaudiiri. Sequitur: [Pates eorum prævaricati sunt pallium meum usque ad diem hanc: & filii dura facie & indomabili corde sunt, ad quos ego mittot te.] Ecce est una culpa superbie, quia [prævaricati sunt pallium.] Ecce altera obstinationis, quia [usque ad diem hanc,] Ecce in iniuritate filiorum culpæ gravis impudentie, quia [dura facie:] quoniam mala quæ faciunt, jam non erubescunt, & nunquam vel post culpas ad pœnitentiam redeunt; quia [indomabili corde sunt.] Cùm verò tanta pravitatis, tantæque obstinationis sint hi, ad quos Propheta mittitur, quis jam non videat, quia persona Propheta à tam perveris hominibus despici valeat? Sed ecce auctoritas personæ tribuitur, cùm subditur: [Et dices ad eos: Hoc dicit Dominus Deus.] Ac si aperte diceretur: Quia ex te despiciens, ex mea voce necesse est ut loquaris. Ne contemnaris ipse quimitteris, verba mea proferringens, ostende qui misit. Sequitur: [Si foris vel ipsi audiant, & si foris quiescant: quia domus exasperans est.] Dum constat, quid omnipotens Deus omnia sciat, mirandum valde est cui dicitur: [Si foris audiant, & si foris quiescant.] J Quapropter sciendum nobis est, quia ista dubitatio locutionis Dei non ex ignorantia, sed ex aliqua significatione descendit. Nam quis nesciat, quid qui fecit & videt omnia, omnia nesciat? Et per semetipsum in Evangelio Veritas de Antichristi prædicatoribus dicit: *Dabunt signa magna & prodigia, ita ut in errorem inducantur, si fieri potest, etiam electi.* Cur hoc subditatione dicitur, cùm quid futurum sit, à Domino præsciatur? Unum verò è duobus est, quia si electi sunt, fieri non potest: si autem fieri potest, electi non sunt. Et tamen dicitur, *ut in errorem inducantur, si fieri potest, etiam electi.* Ista ergo Domini sermonis dubitatio, ex electorum cordibus designatio tentationis fuit: quia qui electi sunt ad perfundendum, per signa prædicatorum Antichristi tentabantur ad cadendum. Per hoc ergo quod dicitur, *si fieri potest,* Hoc exprimitur, quid electi in corde tentabantur. Nutant enim, sed non cadunt. Dicitur ergo, *Si fieri potest,* quia trepidabunt: & tamen dicuntur electi: quia non cadent. Dubitatio itaque sermonis à Domino in electis exprimit trepidationem mentis. Quos & electos nominat, quia cernit quid in fide & bono opere persistunt. Unde hinc quoque dicitur: [Si foris audiant, & si foris quiescent.] Per hoc enim quod dicitur, [Si foris,] quia ex magna multitudine pauci auditurunt, demonstratur. Per dubitationem ergo sermonum Dei quid significatur aliud, nisi paucitas auditorum? Notandum verò, quid postquam mala parentum defunctorum dixerat, mitentes Prophetam ad filios dicat: [Si foris vel ipsi audiant, & si foris quiescent.] Quid est dicere, [vel ipsi,] nisi quia eorum patres qui in culpa defuncti sunt, audire noluerunt? Pensamus rogo, quæ virtus sic in hoc Domini sermonis defecit, ut dicat [Si foris vel ipsi audiant.] Nobis hoc aperte dicitur, qui afflitti, oppressi, conclusi, omnia quæ in hoc mundo habuimus bona perdidimus. Urbes erutas, eversa castra, depopulatos

Iatos agros, suffossas Ecclesias videmus: & tamen A gratiam amittat, atque per hoc aliquid temporalis damni sustineat, recta quæ intelligit occultat; atque apud se tacitus, ipsum timorem quo constringitur, humilitatem nominat. Sed eum cui nil vult dicere, tacendo in cogitatione dijudicat: fitque ut unde se humilem existimat, inde gravius sit superbus. Discernenda ergo semper sunt libertas & superbia, humilitas & timor: ne aut timor humilitatem, aut superbia se libertatem fingat. Ezechiel itaque quia non solum populo, sed etiam senioribus loqui mittebatur, ne incautum timorem humilitatem crederet, ut timore non debeat admonetur, dum dicitur: [Ne timeas eos.] Ac ne fortè derogationis corum verba pertimescat, adjungitur: [Neque sermones eorum metuas.] Cur autem linguis derogantium timere non debeat, etiam causa subjungitur, cum protinus subinfertur: [Quoniam increduli & subversores sunt regum, & cum scorpionibus habitas.] Timendi enim essent hi quibus loqui mittebatur, si in fide & opere Deo omnipotenti placuerint. Qui autem increduli & subversores sunt, in suis sermonibus derogantes, timendi non sunt: qui stultum valde est, si illis placere querimus, quos non placeat Domino scimus. Debent autem haberi in metu & reverentia iudicia iustorum, quia membra omnipotens Dei sunt, & hoc ipsi in terra reprehendunt, quod Dominus redarguit ē cælo. Nam perversorum derogatio, vite nostræ approbatio est; quia jam ostendit nos aliquid iustitiae habere, si illis displaceat incepimus, qui non placent Deo. Nemo etenim potest in una eademque re, omnipotenti Domino atque ejus hostibus gratus existere. Nam Deo se amicum denegat, qui ejus placet inimico. Et inimicis veritatis adversatur, qui eidem veritati in mente subjugatur. Unde sancti viri in vocis libera increpatione succensi, eos ad sua odia excitare non metunt, quos Deum non diligere cognoscunt. Quod Propheta ardenter exhibens, creatori omnium quasi in munere obulit, dicens: Nonne qui oderunt te Deus, psal. 138. c. oderam illos, & super inimicos tuos tabescam? Perfecto odio oderam illos, & inimici facti sunt mihi. Ac si aperte dicat: Pensa quantum te diligo, qui tuorum hostium excitare contra me inimicitias non pertimesco. Hinc iterum dicit: Qui retribuunt mala psal. 37. a pro bonis derribant mihi, quoniam securus sum iustitiam. Bonum valde est quod justus tribuit, quando male agentibus libera voce contradicit. Sed perversi malo pro bonis retribuunt quum iustis derogant, quia contra eos iustitia defensionem servant. Non enim justi humana iudicia, sed æterni judicis examen aspiciunt, atque ideo derogantium verba contemnunt. Hinc etenim derogantibus Corinthiis Paulus dicebat: Miki autem pro minimo est ut a vobis judicer, aut ab humano die. Qui nec in corde suo unde se reprehendere potuisset inveniens, adjungit: Sed neque meipsum judico. Videns autem quia ei ad perfectionem sanctitatis nec suum iudicium sufficeret, subdidit: Sed non in hoc iustificatus sum. Cur vero nec sibi meti ipsi de seipso creditur, causam redditum, cum subjungit: Qui autem iudicat me, Dominus est. Ac si aperte dicat: Nec meo de me iudicio credendum existimo, quia ille me iudicat, cuius ego iudicium non comprehendendo. Hinc beatus Job cum per amicorum derogantium linguas inter dolores vulnerum patetur jacula verborum, cogitatione protinus ad conscientiam recurrat, atque ubi mentem solidam haberet, asperit dicens: Ecce enim 1ob. 16. d. in celo regis meus, et consciens meus in excelcis. Qui etiam subdidit: Verbo si amici mei, ad Deum stillat oculus meus. In omne enim quod de nobis dicitur, semper taciti recurrere ad mentem debemus, interiorum testem & judicem querere. Quid enim profect si omnes laudent, cum conscientia acuerit? Aut quid poterit obesse si omnes nobis derogent, & conscientia sola nos defendat? Beatus ergo Job inter

S. Greg. Tom. I.

G G g

linguas derogantium inflexa mente persistens, quia in terra se impugnari falsis sermonibus vidit, in celo testem quaesivit. Hinc Isaia ait: *Popule meus, qui beatificant te, ipsi te decipiunt, & viam gressum eorum dissipant.* Qui videlicet populus ne verba sua laudis attenderet, & in culpis altius periret, statim ei dicitur quem apficat, cuius iudicium pertineat, cum subditur: *Sicut ad iudicandum Dominus, stat ad iudicandos populos.* Ac si aperte diceretur: *Judicia humana cur sequaris, qui stare super te existem iudicem scis?* Hinc est quod Joannem Baptistam Veritas esse arundinem vento agitatan negat, dicens: *Quid existis videre in desertum? Arundinem vento agitatum?* Quod quia negando dixerit, non affirmando subjuncta verba testantur. Ait enim: *Sed quid existis videre in desertum? Hominem mollibus vestitum?* Ecce, qui mollibus vestiuntur, in dominibus Regum sunt. Arundo autem vento agitata modo flatibus erigitur, modo flatibus inclinatur. Omnis autem infirmus animus, qui vel derogatione dejectur, vel laudibus exaltatur, arundo vento agita ta est. Quod Joannes non erat, quia inflexiblem metis verticem inter laudes hominum & derogationes tenebat. Sed magna inquisitione res indiget, cum recti operis viam tenemus, utrum semper despiciere derogantium verba debeamus, an certe aliquando compescere. De qua re sciendum est, quia linguas detrahentibus sicut nostro studio non debemus excitare ne ipsi pereant, ita per suam malitiam excitatibus debemus aequanimitate tolerare, ut nobis meritum crescat: aliquando autem etiam compescere, ne dum de nobis mala disseminant, corum qui audire nos ad bona poterant, corda innocentium corrumpant. Hinc est enim quod Joannes obrectatoris sui linguam redarguit, dicens: *Is qui amat primatum gerere in eis, Diabolus non recipit nos: propter hoc si venero, commoneam ejus opera qua facit, verbis malignis garriens in nos.* Hinc Paulus iterum de detrahentibus Corinthiis loquitur, dicens: *Epis ola, inquiunt, graves sunt & fortes, praesentia autem corporis infirma, & sermo contemptibilis: hoc cogitet qui huiusmodi est, quia quales sumus verbo per epistolam absentes, tales & praesentes in opere.* Hi etenim, quorum vita in exemplum imitationis est posita, debent, si possunt, detrahentium sibi verba compescere, ne coru predicationem non audiant qui audire poterant, & in pravis moribus remanentes, bene vivere contemnant. Sed hac in re, subtili inquisitione necesse est ut semetipsum animus investigetur, ne fortasse sua laudis gloriam querat, & animarum lucra se querere nostra cogitatio simuler. Sæpe enim sibi nominis laude animus pascitur, & quasi sub obtenu lucrum spiritualium, cum de se bona dici cognoverit, latatur. Et sæpe sue gloria defensione contra detrahentes irascitur, & fingit sibi metu quod hoc ex eorum zelo faciat, quorum corda à bono itinere detrahentis sermo perturbat. Illi ergo debent magnopere curare, ne contra eorum opinionem detrahentum verba prævaleant, qui suam conscientiam subtiliter discutentes, se in ea invenient de amore privatae gloriae nihil habere. Hinc est enim quod iusti atque perfecti aliquando virtutes suas prædicant, bona qua divinitus accepérunt, narrant, non ut ipsi apud homines sua ostensione proficiant, sed ut eos quibus prædicant, exemplo suis ad vitam trahant. Unde Paulus Apostolus quoties fustibus cæsus, quoties lapidatus, quoties naufragium perculit, quanta pro veritate sustinuit, quod ad tertium calum rapimus, quod in paradisum ductus sit, Corinthiis narrat, ut eorum sensum à falsis prædicatoribus avertat: ut dum se innotesceret qualis esset, illi eis viscerent, quos ab eis cognoverat iniquè venerari. Quod perfecti cùm faciunt, id est, cùm virtutes proprias loquuntur, in hoc quoque omnipotenti Dei imitatores sunt, qui laudes suas hominibus

Isa. 3. b

ibid.

Mat. 11.

Lnc. 7. d

3. Ioan. b

2. Cor. 10. e

2. Cor. 11. f

A loquitur, ut ab omnibus cognoscatur. Nam cùm per scripturam suam præcipiat, dicens: *Laudet te alienus, & non os tuum;* quomodo facit ipse, quod prohibet? Sed si virtutes suas omnipotens Deus tacet, cum nullus agnosceret: si eum nullus agnosceret, nullus amaret: si nullus amaret, nullus ad vitam rediret. Unde & per Psalmistam de eo dicitur: *Virtutem operum suorum annunciat populo suo,* ut de illis hereditatem gentium. Virtutes ergo suas annunciat, non ut laudibus suis ipse proficiat, sed ut hi qui hunc ex sua laude cognoverint, ad perpetuum hereditatem veniant. Iusti itaque atque perfecti non solùm cùm vituperationis sue verba reprehendunt, sed etiam cùm virtutes suas habent, infirmis loquuntur, reprehensibiles non sunt; quia per suam vitam quam referunt, aliorum animas ad vitam querunt. De quibus tamen secundum est, quia nunquam bona sua detegunt, nisi eos, ut dixi, aut proximorum utilitas, aut certe nimia necessitas cogat. Unde Paulus Apostolus cùm virtutes suas Corinthiis enumeraasset, adjunxit:

Factus sum insipiens, vos me coegeritis. Fit verò ali quando, ut necessitatibus compulsi, in bonis quæ de se referunt, non aliorum utilitatem, sed suam requirant, sicut beatus Job facta sua enumerat, dicens: *Oculus fui caco, & pes clavido, pater eram pauperum, & causam quam nesciebam, diligenter investigabam.* Et multa alia quæ * sapientia & se commemorat. Sed quia in vulnera doloris posse fitus, ab amicis increpantibus ipse impie egisse, & violentus proximis, atque oppressor pauperum fuissi dicebatur, vir sanctus inter flagella Dei & humana increpationis verba deprehensus, mentem suam graviter concutì, atque ad desperationis formam conspexit impelli; qui jam iamque cadere poterat, nisi ad memoriam sua bene acta recusat, ut ad spem animus reduceretur, ne oppresus verbis & vulneribus in desperatione periret. Quod ergo bona sua enumerat, non innotescere alii quasi ex laude desiderat, sed ad spem animi reformat. Iusti itaque sicut sine arrogantiis loquuntur aliquando bona quæ agunt, ita sine zelo privata gloria detrahentium sibi linguas redargunt, quia noxia loquuntur. Cùm verò lingua derogantium corrigi nequeant, aequanimitate sunt per omnia toleranda. Nec obrectationis sermo timendum est, ne dum vituperatio perversorum metuit, recti operis via deseratur. Unde nunc Ezechieli prophetæ dicitur: [*Sermones eorum ne metuas: quia increduli & subversores sunt tecum.*] Minus autem mali essent, si hi qui sunt increduli, subversores minimè fuissent. Quia enim ipsi vel cælestis regni præmia, vel gehenna esse supplicia non credunt, in suis præstatibus dimisi, à fide & opere etiam alios subvertunt, ut regnum quod ipsi appetere non volunt, nec alter assequatur. Hi namque cùm teneriores quosdam bona incipere, mala jam devitare cognoverint, modo irridendo quod in cælis promittitur, modo despiciendo quod Deus omnipotens de inferni supplicis minatur, modo laudando bona temporalia, & delicationes præsentis sæculi callida persuasione pollicendo, deflectunt mentes innocentium, eorumque itinera pervertunt. Gaudent, si quos potuerint à vita revocare, ad mortem trahere: extantur in præstatibus suis, exultant & in alienis. His nimur pœna sua non sufficit, qui agunt ne soli moriantur. At si fortasse justum quempiam tantum jam virtutis invenierint, ut ei loqui contraria non præsumant, quia subversores esse non possunt, statim scorpiones fiunt. Scorpio enim palpando incedit, sed caudâ ferit: nec mordet à facie, sed à posterioribus nocet. Scorpio Raper, in nes ergo sunt omnes blandi & malitiosi, qui bonis Apoc. 6. 9. quidem in faciem non resistunt, sed mox ut recesserint derogant: alios quos valuerint, inflammant: quæque possunt noxia immittunt, mortifera inferre

occultè non desinunt. Scorpiones ergo sunt, qui abundanti & innoxii in facie videntur, sed post dorsum portant unde venenum fundant. Qui enim in occulto feriunt, quasi mortem latenter trahunt. Unde etiam per Psalmistam dicitur: *Circumdebet runt me sicut apes, & exarcent sicut ignis in spinis.*

psal. 117.
Eucher. for.
spur. c. 3. Apes enim in ore mel habent, in aculeo canis vulnus. Et omnes qui lingua blandiuntur, sed latenter ex malitia feriunt, apes sunt: quia loquendo dulcedinem mellis proponunt, sed occulte feriendo vulnus inficiunt. Ita verò facientes exarcent sicut ignis in spinis: quia per flammas detrahentium non justorum vita comburuntur, sed si quæ in eis esse poterant peccatorum spinae concercentur. Dicatur ergo: *[Increduli & subversores sunt tecum, & cum scorpionibus habitat.]* Increduli scilicet Deo, subversores verò infirmantibus proximis, scorpiones autem etiam fortibus & robustis. Quibus eti in faciem contradicere non presumunt, ex occulto tamen vulnus derogationis inferunt. Increduli quippe simul & subversores & scorpiones sunt: quia & audita ea quæ Dei sunt, non credunt, & eos quos prevalent, à bonis moribus subvertunt, & quos inflebare non valent, occultis machinationibus feriunt. Quia in re hoc quoque notandum est, quia cum Prophete dicitur: *[Increduli & subversores sunt tecum, & cum scorpionibus habitat.]* nobis consolacionis medicamentum proferunt, quos sepe tñdet vivere, dum nolumus cum malis habitare. Querimus eternum cur honi omnes boni sunt, qui nobiscum vivunt. Mala proximorum ferre nolumus, omnes sanctos jam debere esse decernimus, dum esse nolumus quod ex proximis portemus. Sed hac in re luce clarus patet, dum malos portare renimus, quia multum adhuc ipsi de bono minus habeamus. Neque enim perfectè bonus est, nisi qui fuerit & cum malis bonus. Hinc beatus Job de semetiplo asserit, dicens:

Ibid. 10. 2.
Philip. 2. 6.
2. Pet. 1. 2. *Frauer fui draconum, & focus fruichinum.* Hinc Paulus Apostolus discipulis dicit: *In medio nationis pravae & perversæ, inter quos lucetis sicut lumina in mundo.* Hinc Petrus gregis Dominici pastor dicit: *Iustum Lot oppressum a nefandorum injuria, conversatione eripuit.* Aspergit enim & audiens iustus erat, habitans apud eos qui de die in diem animam justi iniquis operibus cruciabant. Sæpe verò cùm de vita proximum querimur, mutare locum conanuntur, secretum vitæ remotoris eligere, videlicet ignorantes quia si defit spiritus, non adjuvat locus. Idem enim Lot de quo loquitur, in Sodomis sanctus extitit, in monte peccavit. Quia autem loca mentem non muniunt, ipse humani generis primus testatur parens; qui & in paradiiso cecidit. Sed minus sunt omnia quæ loquuntur ex terra. Nam silicous salvare potuissent, satan de celo non caderet. Unde Psalmista ubiq; in hoc mundo tentationes esse conspicens, quæfivit locum quo fugeret, sed sine Deo invente non potuit munitum. Ex qua re & ipsum sibi locum fieri petuit, properat quem locum quæfivit dicens: *Esto mihi in Deum prosectorum, & in locum munitionis, ut salvum me facias.* Tolerandi ergo ubique sunt proximi: quia Abel fieri non valer, quem Cain malitia non exercet. Unum verò est pro quo vitari societas debet malorum, ne si fortale corrigi non valent, ad imitationem trahant: & cùm ipsi à sua malitia non mutantur, eos qui sibi conjuncti fuerint, pervertant. Unde Paulus ait: *Corruunt bonos mores colloquia mala.* Et sicut per Salomonem dicitur: *Noli esse amicus homini iracundo, nec ambules cùm viro furioso, ne foris descas semitas ejus, & simas scandalum animæ tuæ.* Sicut ergo perfecti viti perversos proximos non debent fugere, quia & eos saepe ad reddititudinem trahunt, & ipsi ad perversitatem nunquam trahuntur: ita inservi quicunque societatem declinare debent pravorum, ne mala quæ frequenter aspiciunt, & corriger non valent, dele-

Gen. 19. d.
Ibid. p. 5. c.
320.
Gen. 3. 4.
psal. 10. Ad.
7. q. c. Ad.
veritas.
Greg. lib. 9.
epist. 39.
1. Cor. 15.
Prov. 22. d. *est: Esto mihi in Deum prosectorum, & in locum munitionis, ut salvum me facias.* Tolerandi ergo ubique sunt proximi: quia Abel fieri non valer, quem Cain malitia non exercet. Unum verò est pro quo vitari societas debet malorum, ne si fortale corrigi non valent, ad imitationem trahant: & cùm ipsi à sua malitia non mutantur, eos qui sibi conjuncti fuerint, pervertant. Unde Paulus ait: *Corruunt bonos mores colloquia mala.* Et sicut per Salomonem dicitur: *Noli esse amicus homini iracundo, nec ambules cùm viro furioso, ne foris descas semitas ejus, & simas scandalum animæ tuæ.* Sicut ergo perfecti viti perversos proximos non debent fugere, quia & eos saepe ad reddititudinem trahunt, & ipsi ad perversitatem nunquam trahuntur: ita inservi quicunque societatem declinare debent pravorum, ne mala quæ frequenter aspiciunt, & corriger non valent, dele-

S. Greg. Tom. I.

centur imitari. Sic enim verba proximorum audiendo quotidie sumimus in mente, scut flando atque respirando aërem trahimus corpore. Et sicut malus aës assiduo flatu tractus inficit corpus, ita perversa locutio assidue audit, infirmantium inficit animum, ut tabescat delectatione pravi operis, & assidue iniquitate sermonis. Sequitur: *[Verba eorum ne timeas, & vultus eorum ne formides: quia dominus exasperans es.]* Ideo boni timendi sunt ne offendantur, ne foris per eos ille provocetur ad iram, qui corum corda semper inhabitat. Nam sicut superius dictum est, si malos offendimus, timere minime debemus: quoniam illis nostra actio displaceat, quibus nec iustitia creatoris placet. Quid ergo timendum est, si nobis ingrati sunt, qui Deo amabiles non sunt? Unde rectè nunc dicitur: *[Verba eorum ne timeas, & vultus eorum ne formides: quia dominus exasperans es.]* Ac si aperte diceretur: Timendi essem, nisi me in suis actibus exasperarem. De quibus adhuc subditur: *[Loqueris ergo verba mea ad eos, si foris audiant, & quiscent: quia irritatores sunt.]* Omnis qui peccat, quid aliud quam conditoris sui in se iracundiam irritat? Et timimus quia quoties actu, quoties verbo, quoties cogitatione delinquimus, Deum contra nos toties irritamus. Sed tamen sustinet, & clementer expectat: per se patientiam, per predicatores autem suos verbum nobis exhortationis prerogat. Omnis autem qui recta predicat, si auditur, iram irritati creatoris super prævaricatorem populum placat. Unde necesse est, ut ipse non debeat agere malum, quod solet in populo furorem conditoris sui irritare. Propter quod etiam subditur: *[Tu autem fili hominis audi quæcumque loquor ad te, & noli esse exasperans, sicut dominus exasperavix es.]* Id est, mala quæ fieri conspicis, ipse non facias: ne hoc quod prohibere * niteris, ipse committas. Omnis * al. mitte- etenim predicator intenta temper debet mente penitentia, ne qui missus est laplos erigere, ipse in prævitate operis cùm lapsis cadat, & Pauli hunc tentatio feriat dicentes: *In quo alterius judicas, resp. Rom. 2. 4.* sum condemnas. Unde Balaam Dei spiritu repletus ad loquendum, sed tamen in carnalem vitam suo spiritu detenus, de feme tñlo loquitur, dicens: *Dixit auditor sermonum Dei, qui novit doctrinam Num. 24. 6.* Altissimi, & visiones omnipotens videt, qui cædens apertos oculos. Cadens apertos oculos habuit, qui rectum quod diceret vidit, sed recte vive re contempti. Cadens videlicet in perverso opere, & apertos habens oculos in sancta prædicatione. Est tamen aliud quod possit intelligi, cur beatus Ezechiel qui ad prædicationem mititur, esse exasperans prohibetur. Nisi enim ad loquenda verba cùm mittebatur, obediret, omnipotentem Dominum sicut populus de perverso opere, sic Propheta de suo silentio exasperasset. Nam sicut mali ideo Deum exasperant, quia loquuntur vel faciunt mala; ita nonnulli quæ boni exasperant, quia retinent bona. Illis itaque culpa est perversa agere, istis recta reticente. In hoc ergo cùm malis etiam boni simul Deum exasperant quia cùm perversæ non increpant, eis per suum silentium proficiendi licentiam præstant. Sequitur: *[Aperi os innum, & comedere quæcumque do tibi.]* A peritus os nostrū, cùm recta loquimur; & comedimus quæ Deo accipimus, quia & tribuitur & augetur in nostris sensibus cibis vitæ, cùm prædicare ceperimus. Unde Propheta alius dicit: *Os meum psal. 11. 8.* aperti, & atraxi spiritum. Non enim spiritum attraheret, nisi os apertet: quia nisi ad prædicandum proximus se impenderet, spiritualis doctrina in eo gratia non crevisset. Sequitur: *[Et vidi, & ecce manus misa ad me, in qua erat involucri liber: & expandit illum coram me, qui erat scriptus intus & foris.]* Sicut per Prophetam prædictorum ordo, sic per librum quem accepit, scripturæ sacræ paginæ

GGg ij

designantur. Liber autem involutus, est scriptura sacrae eloquij obscurum, quod profunditate sententiarum involvit, ut non facile sensu omnium penetretur. Sed coram Propheta liber expanditur; quia coram predicatoribus sacri eloquij obscuritas aperitur. Involutum librum manus Dei porrexit, quum Salvator dicebat: *Simile factum est regnum colorum homini, qui seminavit bonum semen in agro suo. Cum autem dormirent homines, venit inimicus ejus, & supersemivit zizania in medio iriticis, & abiit.* Cum autem crevisset herba, & fructum fecisset, tunc apparuerunt & zizania, & reliqua: quia charitas vestra etiam me referente remansicatur. Sed librum quem involutum ostenderat, expandit, cum hoc per enigmata loquebatur, exposuit dicens: *Qui seminat bonum semen, est filius hominis. Ager autem est mundus. Bonum vero semen, hi sunt filii regni: zizania autem filii sunt nequam. Inimici autem qui seminavit ea, est diabolus. Mefiss vero, consummatio facili, meffores autem angelii sunt. Sicut ergo colligitur zizania, & igni comburuntur, sic erit in consummatione facili. Involutus itaque liber expanditur, quando hoc quod obscurè prolatum fuerat, per latitudinem intellectus aperitur. Hunc involutum librum Veritas expandit, quando in discipulis egit quod scriptum est:*

Tunc aperuit illis sensum, ut intelligent scripturas. De quo adhuc libro subditur: [*Qui erat scriptus intus & foris.*] Liber enim sacri eloquij intus scriptus est per allegoram, foris per historiam. Intus per spiritalem intellectum, foris autem per sensum littera simplicem, adhuc infirmantibus congruentem. Intus, quia invisibilia promittit: foris, quia visibilia praecitorum tuorum rectitudine disponit. Intus, quia cælestia pollicetur: foris autem, quia terræ contempnitibilia qualiter sint, vel in usu habenda, vel ex desiderio fugienda, præcipit. Alia namque de secretis cælestibus loquitur, alia verò in exterioribus actionibus jubar. Et ea quidem quae foris præcipit, patent: sed illa quæ de internis narrat, plene apprehendi nequeunt. Unde scriptum est: *Extendens calum sicut pellem, qui tegis aquis superiora ejus.* Quid enim celi nomine nisi sacra scriptura signatur? De qua nobis & sol sapientia, & long scientia, & ex antiquis patribus stella exemplorum atque virtutum lucent. Quod sicut pellis extenditur; quia per scriptores suos carnis lingua formatum, ante oculos nostros per verba doctorum exponendo displaceatur. Quid verò aquarum nomine, nisi sanctissimi Angelorum signantur choroi? De quibus scriptum est: *Et aquæ que super cælos sunt, laudent nomen Domini.* Hujus ergo celi superiora Dominus aquis tegit, quia alta sacri eloquij, id est, ea quæ de natura divinitatis, vel de æternis gaudiis narrat, nobis adhuc nescientibus, solis Angelis in secreto sunt cognita. Cælum ergo hoc & coram nobis extenditur, & tamen aquis superiora ejus continguntur; quia & quædam faci eloquij jam nobis per aperiendum spiritus parent, & quædam quæ solis Angelis possunt esse manifesta, nobis adhuc servantur occulta. De quibus tamen occultis jam partem per spiritalem intelligentiam sentimus, jam sancti Spiritus pignus accepimus: quia hæc & plenè necdum cognovimus, & tamen medullitus amamus, & in multis spiritualibus sensibus, quos jam cognovimus, veritatis pabulo pascimus. Dicat ergo: [*Qui erat scriptus intus & foris.*] quia in sacro eloquio & dictis occultioribus atque sublimioribus satiantur fortes, & præceptis aperiioribus nos parvuli nutriri. Unde scriptum est: *Montes extolsi cervis, petra refugium herinacis.* Habeant enim montes intelligentia, qui jam contemplationis saltus dare noverunt. Sed petra sit refugium herinacis: quia nos parvuli & peccatorum nostrorum spinis coeperti, et si intelligere alta non possumus, in petra nostrâ re-

A fugium, id est, in Christi fide salvamur. Unde & quibusdam dicitur: *Nihil me judicavi scire inter vos nisi Christum Iesum, & hunc crucifixum.* Ac si dicaret: Quia vos capere divinitatis ejus mysteria non posse penfavi, sola vobis humanitatis ejus insima locutus sum. Sequitur: [*Et scripta erant in eo lamentationes, Carmen, & ve.*] Carmen aliquando in bono, atiquando verò in malo accipi dubium non est: quia & latum Carmen, & lugubre Carmen dicere possumus. Sed nos scriptura sacra usum sequentes, quæ pæne semper Carmen ponere in prosperis solet, hoc in loco pro bona parte dictum Carmen accipimus. Nam cùm omnipotens Deus populum suum de mari Rubro liberasset, scriptum est: *Tunc Exod. 13. Moyses & filii Israel cecinerunt Carmen Domino.* Et cùm David victoriæ de hostibus fecisset, scriptum est: *Locutus est David Domino verba carmina ha- 2. Reg. 12. jus.* Salomon quoque ait: *Acetum in nitro, qui Pro. 13. cantat carmina corde pessimo.* Acetum quippe si mitatur in nitro, ferre fecit nitrum protinus & ebullit. Et peruersa mens quando per increpationem corrigitur, aut per prædicationis dulcedinem ad bona suadetur, de correptione fit deterior: & inde in murmuratio iniquitate succeditur, unde debuit ab iniquitate compesci. Per Heliu quoque de ingrato ac se desperante dicitur: *Et non dixit, 1ob. 33. ubi est qui fecit me, qui dedit carmina in nocte?* Carmen quippe in nocte, est lexitia in tribulatione. Carmen in nocte accipimus, quando in pressuris presentibus de futuri gaudiis consolamus. Carmen nobis in nocte ostendebat Apostolus, cùm dicebat: *Spe gaudientes, in tribulatione patientes.* Carmen Rom. 12. in nocte se David habere indicat, dicens: *Tu es psal. 31. b mihi refugium à pressa que circumdidit me: exulta- mibi redime me à circumstantibus me.* Qui enim circumdari se pressuris narrat, & tamen Deum sibi esse exultationem nominat, proculdubio Carmen in nocte cantat. Quia igitur pæne semper in bono carmen ponere scriptura sacra consuevit, ita à nobis Hieron. in Ezech. 13. etiam in hoc loco deber intelligi. Væ autem in scriptura sacra sapientia aeterno lucu, quam præsenti foler intelligi. Unde scriptum est: *Væ impio in ma- 1psal. 6. bo: retribuio enim manuum ejus fiet ei.* Et beatus Job loquitur, dicens: *Si impius fuero, vae mihi est: 1ob. 10. si autem justus, non levabo caput, saturaus affli- 27 Orig. in Ezech. 13. bitione & miseria.* Iustorum enim afflictio temporalis est. Væ ergo quod dixit, à temporali afflictione distinxit, qui & justum afflictionem, & impium vae habere perhibuit. Per semetipsum quoque Veritas dicit: *Væ mundo à scandalis, &c, vae vobis qui Matt. 18. rideatis, quoniam flebitis. &c, vae pregnantibus & nu- Lue. 6. c trientibus in illis diebus.* Pensandum ergo nobis est, Lue. 23. 6 trientibus in illis diebus. Ut rursus: *Mi- 1psal. 4. b seri esto, & lugete: risus vester in lacum conver- 1. tetur, & gaudium in marorem.* Ut autem de promissione gaudijs sequentis hilarescas, cognoscere que in hoc volumine scripta sunt lamenta: *Scindite cor- 1ob. 2. b da vestra, & non vestimenta vestra.* Et rursus: *Mi- 1acob. 4. b seri esto, & lugete: risus vester in lacum conver- 1. tetur, & gaudium in marorem.* Ut autem de promissione gaudijs sequentis hilarescas, cognoscere que in hoc volumine scripta sunt carmina laudis aeternæ: *Beati qui habitant in domo tua Domine, in psal. 83. faculum sancti laudabant te.* Et sicut per quedam sapientem de cœlesti Hierusalem dicitur: *Et lapide Tobia 13. pretioso & mundo omnes plateas ejus sternentur, & per omnes vicos ejus Alleluia cantabitur.* Hoc nobis Carmen cœlestis patriæ nunciare cives ejus venerant, qui concorditer clamabant: *Gloria in ex- Lue. 2. 5 celsis Deo, & in terra pax hominibus bona volun- tatis.* Sed si adhuc præsenti lœculo mente inhæres, si adhuc terrenis voluptatibus delectaris, amare non potes gaudijs aeternis quæ audis. Cognosce ergo

in hoc volumine vñ, quod in eo scriptum est, atque ab animo per timorem expelle quod diligis, ut possis ex judicio carmen amare quod legis. Ibi quippe sub unius damnati specie, multitudo omnis exprimitur reproborum, cum voce Veritatis dicatur: *Ligatis pedibus ejus ac manibus, mittite omnín tenebras exteriores; illuc erit flatus & fridor dentium.* Tunc etenim reprobri in exteriores tenebras cadunt; quia nunc in interioribus sua se sponte dejeicerunt, ut veritatis lumen nec credendo nec bene operando sequentur. In quibus ligatis pedibus ac manibus mitti præcipiuntur: quia nunc dum tempus operandi atque currendi est, habere manus & pedes liberos in bona actione noluerunt. Ibi vñ reproborum scriptum est: *Vermis eorum non morietur, & ignis eorum non extinguetur.* Ibi damnatis ac repulsi dicitur: *Dicendit à me maledicti in ignem aeternum, qui paratus est diabolo & angelis ejus.* In hoc itaque volume cuncta que adificant, omnia quæ eridunt, scripta continentur. Peccasti enim, & jam te pœnitit illicta perpetraſſe, ut ad agendum pœnitentiam doccaris; ibi iuvens lamenta. Sæpe celestium gaudiorum mentem relevare desideras; ibi ad consolationem tuam invenis carmen, *Sin verd & mala perpetraſſi, & hec te perpetraſſe non pœnitit, sed cervicem mentis erigis, ad nullas pœnitentia lamentationes inclinaris, nulla celeſtium gaudiorum expectatione corrigeris; velis nolis, ibi scriptum auditurus es vñ: ut quem nec timor ad pœnitentiam humiliat, nec spes ad superna præmia exaltat, damnationis lux jam nunc pœnam prospiciat, & sine excusatione in aeternum supplicium cadat.* Quid igitur fratres, quid agendum est misericordia nobis, nisi ut evigilemus ad hujus verba voluminis, & mala que nos egisse meminimus, fletibus puniamus, ut per lamenta pœnitentia perveniamus ad carmen vita? Ne si affligi modò pœnitendo nolumus, vñ postmodum sine fine sentiamus. Nec nos nostrorum vulnerum multitudine in desperationem deprimat: quia major est potentia medici, quam magnitudo languoris nostri. Quid est enim quod reparare ad salutem non possit, qui potuit omnia ex nihilo creare? Unigenitus quippe est omnipotenti Patri coeterum: Qui cum eo vivit & regnat in unitate Spiritus sancti, per omnia secula seculorum. Amen.

HOMILIA X.

Ezecl. 11. Fili hominis, quodcumque inveneris comedere: comede volumen istud, & vadens loquere ad filios Israël. Et aperui os meum, & cibavit me volamine illo. Et dixit ad me: Fili hominis, venter tuus comedet; & viscera tua complebuntur volumine ipso quod ego do tibi. Et comedi illud: & factum est in ore meo sicut mel dulce. Et dixit ad me: Fili hominis, vade ad domum Israël, & loqueris verba mea ad eos. Non enim ad populum profundi sermonis, & ignota lingua tu mitteris ad dominum Israël: neque ad populos multos profundi sermonis, & ignota lingua, quorum non possum audire sermones. Et si ad illos mittereris, ipsi audirent te. Domus autem Israël nolunt audire te: quia nolunt audire me. Omnis quippe dominus Israël attrita fronte est, & duro corde. Ecce dedi faciem tuam valentiomem faciebus eorum, &

A frontem tuam duriorem frontibus eorum: & ut adamantem & ut felicem dedi faciem tuam. Ne timeas eos, neque metuas à facie eorum: quia dominus exasperans est. Et dixit ad me: Fili hominis, omnes sermones meos quos ego loquor ad te, assume in corde tuo, & auribus tuis audi: & vade, ingredere ad transmigrationem filiorum populi mei, & loqueris ad eos, & dices eis: Hæ dicit Dominus Deus: si forte audiant & quiescant. Et assumpit me spiritus, & audiri post me vocem commotionis magna: Benedic gloria Domini de loco suo, & vocem alarum animalium percutientium alteram ad alteram, & vocem rotarum sequentium animalia, & vocem commotionis magna. Spiritus quoque levavit me, & assumpit me: & abi amarus in indignatione spiritus mei. Manus enim Domini erat tecum, confortans me.

C Oalent quidam, scripta sacri eloquij legentes, scum sublimiores ejus sententias penetrant, minora mandata qua infirmioribus data sunt, tumentis sensu despicer, & ea velle in aliud intellectum permutare. Qui si recte in eo alta intelligenter, mandata quoque minima despiciunt non haberent: quia divina præcepta sic in quibusdam loquuntur magnis, ut tamen in quibusdam congruant parvulis, qui per incrementa intelligentia quasi quibusdam passibus mentis crescant; atque ad majora intelligenda perveniant. Unde nunc sancto Prophetæ dicitur: [*Fili hominis, quodcumque inveneris comedere.*] Quidquid enim in sacra scriptura inventur, edendum est: quia & ejus parva simplicem componunt vitam, & ejus magna subtilem adificant intelligentiam. Sequitur: [*Comede volumen istud, & vadens loquere ad filios Israël. Et aperui os meum, & cibavit me volamine illo.*] Scriptura sacra cibus noster & potus est. Unde etiam dominus per Prophetam aliud minatur: *Misitam famem in terram, non famem panis, neque stiū aqua, sed audiendi verbum Domini.* Qui ergo subtracto suo eloquio, fame ac siti nos dicit atteri; quia ejus verba & cibus noster & potus sunt demonstrat. Sed notandum, quod aliquando cibus, aliquando potus sunt. In rebus enim obscurioribus qua intelligi nequeunt nisi exponantur, scriptura sacra cibus est: quia quidquid exponitur ut intelligatur, quasi mandatur ut glutiatur. In rebus vero apertioribus potus est. Potum enim non mandando glutimus. Apertura ergo mandata bibimus; quia etiam non exposta intelligere valemus. Pro eo autem quod multa Ezechiel propheta obscura atque perplexa auditurus erat, nequaquam ei de sacro volumine dicitur, bibe, sed comedere. Ac si aperte diceretur: Pertrausta & intellige, id est, prius mande, & tunc degluti. Sed in verbis sacri eloquij iste debet studij nostri ordo servari, ut haec ideo cognoscamus, quatenus de iniurie nostra compunsti, cognoscentes mala quæ fecimus, vitemus ne alia faciamus. Et cum iam ex magno usu lacrymarum, de peccatorum remissione cœperit esse fiducia, per verba Dei qua intelligimus, ad vitam quoque & alios trahamus. Ad hoc enim intelligenda sunt, ut & nobis profint, & intentione spirituali aliis conferantur. Unde bene nunc dicitur: [*Comede volumen istud, & vadens loquere ad filios Israël.*] Ac si ei de sacro cibo diceretur: Comede & pasce: saturare & eructa: accipe & sparge: confortare & labora. Et notandum quod

GGg iii

L. 27. Mor.
c. 8. & sum
pro hom. x.